


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>



<sup>20</sup>  
Liturg.  
180  
e

2 Liturg. 180<sup>e</sup>

*Michaelson*





MISSÆ  
DEFUNCTORUM  
JUXTA  
USUM ECCLESIAE  
ROMANÆ  
CUM  
ORDINE ET CANONE  
EXTENSÆ.



SUPERIORUM PERMISSU.



AUGUSTÆ VINDELICORUM.

Sumptibus FRATRUM VEITH Bibliopolarum.

Anno M. DCC. LXXXII.

Wb 163/1628

Bayerische  
Staatsbibliothek  
MÜNCHEN



# ORDO MISSÆ PRO DEFUNCTIS.

Sacerdos paratus cū ingreditur ad Altare, facta illi debita reverentia, signat se signo Crucis à fronte ad pectus, & clara voce dicit :

**I**N nómine Patris, & Filii, & Spíritus sancti, Amen.

Deinde junctis manibus ante pectus, incipit Antiphonam

Intróibo ad Altáre Dei.

**Ministri respondent :** Ad Deum, qui latíficat juventútem meam.

Signat se dicens *✠*. Adjutórium nostrum in nómine Dómini.

*R.* Qui fecit cœlum & terram.

Deinde junctis manibus profunde inclinatus facit Confessionem.

**C**onfiteor DEO omnipoténti, beatæ Mariæ semper Vírgini, beáto Michaëli Archángelo, beáto Joánni Baptístæ, sanctis Apóstolis Petro & Paulo, ómnibus Sanctis, & vobis fratres : quia peccávi nimis cogitatione, verbo, & ópere : **Percutit sibi pectus** ter, dicens : mea culpa, mea culpa, mea máxima culpa. Ideo precor beatam Mariam semper Virginem, beátum Michaëlem Archángelum, beátum Joánnem Baptístam, sanctos Apóstolos Petrum & Paulum, omnes Sanctos, & vos fratres, orare pro me ad Dóminum Deum nostrum.

**Ministri respondent :**

**M**isereátur tui omnipotens Deus, & dimíssis peccátis tuis, perdúcat te ad vitam ætérnam.

Sacerdos dicit, Amen. & erigit se. Deinde Ministri repetunt Confessionem : & ubi a Sacerdote dicebatur, vobis fratres, & vos fratres, a Ministris dicitur, tibi Pater, & te Pater.

Postea Sacerdos junctis manibus facit Absolutionem, dicens :

**M**isereátur vestri omnipotens Deus, & dimíssis peccátis vestris, perdúcat vos ad vitam ætérnam. *R.* Amen.

Signat se signo Crucis, dicens :

**I**ndulgéntiam, absolutiónem, & remissionem peccatórum nostrórum tribuat nobis omnipotens & misericors Dóminus. *R.* Amen.

**Et inclinatus prosequitur :**

*✠*. Deus tu convérsus vivificábis nos.  
*R.* Et plebs tua latábitur in te.  
*✠*. Osténde nobis Dómine misericórdiam tuam.  
*R.* Et salutáre tuum da nobis.  
*✠*. Dómine exáudi oratiónem meam.  
*R.* Et clamor meus ad te véniat.  
*✠*. Dóminus vobíscum.  
*R.* Et cum spíritu tuo.



Et extendens ac jungens manus, clara voce dicit: Oremus. & ascendens ad Altare, dicit secretò:

**A**ufer a nobis, quæsumus Dómine iniquitates nostras: ut ad Sancta Sanctorum puris mereamur mentibus introire. Per Christum Dóminum nostrum. Amen.

Deinde manibus junctis super Altare, inclinatus dicit:

**O**ramus te Dómine per mérita Sanctorum tuorum, Osculatur Altare in medio, quorum reliquæ hîc sunt, & omnium Sanctorum, ut indulgere digneris omnia peccata mea, Amen.

Deinde celebrans manu dextera extensa faciens signum Crucis super librum, incipit introitum: quo finito junctis manibus alternatim cum Ministris dicit:

**K**yrie eléison. Kyrie eléison.  
Kyrie eléison. Christe eléison.  
Christe eléison. Christe eléison.  
Kyrie eléison. Kyrie eléison. Kyrie eléison.

Deinde osculatur Altare in medio, & versus ad populum dicit: *Ps.* Dóminus vobiscum. *R.* Et cum spíritu tuo. *Postea* dicit: Oremus, & Orationes, unam aut plures, ut ordo Missæ postulat: sequitur Epistola, Graduale Tractus cum Versu, aut Sequentia, ut tempus postulat.

Deinde delato Missali ad cornu Evangelii, inclinatus in medio, junctis manibus dicit:

**M**unda cor meum, ac lábia mea, omnipotens Deus, qui lábia Isaïæ Prophætæ cálculo mundásti ignito: ita me tua grata miseratione dignare mundare, ut sanctum Evangelium tuum dignè valeam nuntiare. Per Christum Dóminum nostrum. Amen.

Deinde conversus ad librum, junctis manibus dicit *Ps.* Dóminus vobiscum. *R.* Et cum spíritu tuo. Et pronuntians, Sequentia sancti Evangelii secundum Joannem; pollice dextræ manus signat librum in Principio Evangelii, quod le-

cturus est: deinde se in fronte, ore, & pectore; & respondetur, Glória tibi Dómine: & legit Evangelium: quo finito, respondet Minister, Laus tibi Chrîste: & immediatè osculatur Altare, & versus ad populum dicit *Ps.* Dóminus vobiscum. *R.* Et cum Spíritu tuo. *Postea* dicit Oremus, & Offertorium. Quo dicto, accipit Patenam cum Hostia, quam offerens, dicit:

**S**uscipe sancte Pater, omnipotens æternæ Deus, hanc immaculatam Hostiam, quam ego indignus famulus tuus offero tibi Deo meo vivo & vero, pro innumerabilibus peccatis, offensionibus & negligentis meis, & pro omnibus circumstantibus, sed & pro omnibus fidelibus Christiánis vivis atque defunctis: ut mihi & illis proficiat ad salutem in vitam æternam. Amen.

Deinde faciens Crucem, cum eadem Patena, deponit Hostiam super Corporale. Et mittens vinum in Calicem, & aquam non benedicens, dicit:

**D**eus, qui humanæ substantiæ dignitatem mirabiliter condidisti, & mirabilius reformásti: da nobis per hujus aquæ & vini mystérium, ejus divinitatis esse consortes, qui humanitatis nostræ fieri dignátus est particeps, *Jesus Christus Filius tuus Dóminus noster*: qui tecum vivit & regnat in unitate Spíritus sancti Deus, per omnia sæcula sæculórum. Amen.

Postea accipit Calicem, & offert, dicens:

**O**fferimus tibi, Dómine, Calicem salutáris, tuam deprecantes cleméntiam: ut in conspectu Divinæ Majestatis tuæ, pro nostra & totius mundi salute cum odóre suavitatis ascéndat Amen.

Deinde facit signum Crucis cum Calice, & illum ponit super Corporale, & Palla cooperit: tum junctis manibus super Altare, aliquantulum inclinatus, dicit:

**I**N spiritu humilitatis & in animo contrito suscipiamur à te Dómine : & sic fiat Sacrificium nostrum in conspectu tuo hódie , ut placeat tibi , Dómine Deus.

Erectus expandit manus, easque in altum porrectas jungens, elevatis ad cœlum oculis, & statim demissis, dicit

**V**eni Sanctificátor omnipotens æternæ Deus : Benedicis oblata, prosequendo : & bene ✠ dic hoc Sacrificium tuo sancto nómini præparatum.

Deinde Sacerdos lavat manus, dicens :

**L**avabo inter innocéntes manus meas : & circumdabo altáre tuum Dómine.

Ut áudiam vocem laudis : & enarrarem univérſa mirabilia tua,

Dómine diléxi decórem domûs tuæ, & locum habitatiónis glóriæ tuæ :

Ne perdas cum impiis, Deus, ánimam meam : & cum viris sanguinum vitam meam.

In quorum manibus iniquitates sunt : dextera eórum repleta est muneribus.

Ego autem in innocentia mea ingressus sum : redime me, & miserere mei.

Pes meus stetit in directo : in Ecclesiis benedicam te Dómine.

Non dicitur Gloria Patri.

Deinde aliquántulum inclinatus in medio Altaris, junctis manibus super eo, dicit

**S**uscipe, Sancta Trinitas, hanc oblationem, quam tibi offerimus ob memoriam Passiõis, Resurrectiõis, & Ascensionis Jesu Christi Dómini nostri : & in honórem beátæ Mariæ semper Virginis, & beáti Joánnis Baptistæ, & sanctorum

Apostolorum Petri & Pauli, & istorum, & ómnium Sanctorum : ut illis proficiat ad honórem, nobis autem ad salutem : & illi pro nobis intercedere dignentur in cœlis, quorum memoriam agimus in terris. Per eundem Christum Dóminum nostrum. Amen.

Postea osculatur altare, & versus ad populum, extendens & jungens manus voce paululum elevata dicit :

**O**rate fratres : ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent : alioquin ipsemet Sacerdos :

**S**uscipiat Dóminus sacrificium de manibus tuis (vel meis) ad laudem & glóriam nóminis sui, ad utilitatem quoque nostram, totiusque Ecclesiæ suæ sanctæ. Sacerdos submissa voce dicit : Amen.

Deinde manibus extensis absolute sine Oremus, subjungit Orationes secretas. Quibus finitis, cum pervenerit ad conclusionem, clara voce dicit : Per ómnia sæcula sæculórum. Cum Præfatione sequenti. Præfatio incipitur ambabus manibus positis hinc inde super Altare : quas aliquántulum elevat, cum dicit : Sursum corda. Jungit eas ante pectus, & caput inclinat, cum dicit : Grátias agámus Dómino Deo nostro. Deinde disjungit manus, & disjunctas tenet usque ad finem Præfationis : qua finita, iterum jungit eas, & inclinatus dicit : Sanctus. Et cum dicit : Benedictus qui venit, signum Crucis sibi producit a fronte ad pectus.

**P**

Er ómnia sæcula sæ culo-

rum. R. Amen.

V. Dóminus vo bíscum.

R. Et cum spí ri tu tuo.

V. Sur sum cor da,

R. Habémus ad Dóminum.

V. Grá ti as a'gá mus

Dó mi no Deo nostro.

R. Dignum &amp; iustum est.

Ve rè dígnum &amp; iustum

est, æquum &amp; fa lu tá re,

nos tibi sem per, &amp; ubi-

que grá ti as á ge re, Dó-

mi ne san cte Pater óm ní potens,

æ té r ne Deus : per Christum


Dó mi num nostrum. Per

quem Ma je stá tem tuam


lau dant An ge li, a dó-

rant Do mi na ti ó nes,


tremunt Po te stá tes. Coeli




cœ lo rúm que vir tú tes,




ac be á ta Sé ra phim, só-




ci a ex ul ta ti ó ne con-




cé le brant. Cum qui bus




& no' stras vo ces, ut ad-



• mít ti jú be as, de pre cá mur,



súp pli ci con fef fi ó ne



di cén tes.


**S**anctus, Sanctus, Sanctus, Dóminus  
DEUS Sabaoth.

Pleni sunt coeli & terra glória tua,

Hosánna in excélsis.

Benedictus qui venit in nómine Dó-  
mini,

Hosánna in excélsis.



**CANON**







# CANON MISSÆ

## PRO DEFUNCTIS.

Sacerdos extendens & jungens manus, elevans ad cœlum oculos, & statim demittens, profundè inclinatus ante Altare, manibus super eo positis, dicit:

**T**E igitur, clementissime Pater, per JESUM Christum Filium tuum Dóminum nostrum, supplices rogámus ac pétimus, Osculáture Altare uti accépta hábeas, & benedícas, Jungat manus, deinde signet ter super oblata, hæc ✠ dona, hæc ✠ múnera, hæc ✠ sancta Sacrificia illibáta, *Extensis* manibus prosequitur, in primis quæ tibi offérimus pro Ecclesiá tua sancta cathólica: quam pacificáre, custodíre, adunáre, & régere dignéris toto orbe terrárum, una cum famulo tuo Papa nostro N. & Antístite nostro N. & omnibus orthodoxis, atque Cathólicæ & Apostólicæ fidei cultóribus.

Commemoratio pro Vivis.

**M**Eménto Dómine famulorum famularumque tuarum N. & N. Jungit manus, orat aliquantulum, pro quibus orare intendit: deinde manibus extensis prosequitur: Et omnium circumstantium, quorum tibi fides cónita est, &

nota devótio, pro quibus tibi offérimus: vel qui tibi offerunt hoc sacrificium laudis, pro se, suisque ómnibus: pro redemptione animárum suárum, pro spe salutis, & incolumitátis suæ: tibi que reddunt vota sua ætérno DEO, vivo, & vero.

Infra actíonem.

**C**ommunicántes, & memoriám venerántes, in primis gloriósæ semper Vírginis MARÍÆ, Genitrícis DEI & Dómini nostri Jesu Christi: sed & beatorum Apostolorum ac Mátyrum tuorum, Petri & Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis & Thadæi, Lini, Cleti, Cleméntis, Xysti, Cornélii, Cypriáni, Laurentii, Chrysógoni, Joánnis & Pauli, Cosmæ & Damiáni, & ómnium Sanctórum tuorum; quorum méritis precibusque concédas, ut in ómnibus protectiónis tuæ muniámur auxilio. Jungit manus. Per eúndem Christum Dóminum nostrum, Amen.



Tenens manus expansas super oblata dicit :

**H**Anc igitur oblationem servitutis nostræ, sed & cunctæ familiæ tuæ, quæsumus Dómine, ut placatus accipias, diésque nostros in tua pace dispónas, atque ab æterna damnatione nos éripi, & in electórum tuórum júbeas grege numerári. Jungit manus. Per Christum Dóminum nostrum, Amen.

**Q**Uam oblationem tu Deus in ómnibus, quæsumus, Signat ter super oblata, benedictam, adscrip-  
tam, rationábilem, acceptabilémque fácere dignéris : Signat semel super Hostiam, & semel super calicem : ut nobis Corpus, & sanguis fiat dilectissimi Filii tui Dómini nostri JESU Christi.

**Q**ui pridie quam pateretur, Accipit Hostiam, accipit panem in sanctas ac venerabiles manus suas : Elevat oculos ad cælum : & elevátis oculis in cælum ad te Deum Patrem suum omnipoténtem, tibi grátias agens, Signat super Hostiam, benedixit, fregit, deditque discipulis suis, dicens : Accípите, & manducáte ex hoc omnes.

Tenens ambabus manibus Hostiam inter indices & pollices, profert verba consecrationis secretè, distinctè,

**Hoc est enim Corpus meum.**

Prolatis verbis consecrationis, statim Hostiam consecratam genuflexus adorat : surgit ; ostendit populo, reponit super Corporale, iterum adorat : & non disjungit pollices & indices, nisi quando Hostia tractanda est, usque ad ablu-  
tionem digitorum.

Tunc detecto Calice dicit :

**S**imili modo postquam coenatum est, Ambabus manibus accipit Calicem, accipiens & hunc præclárum Cálicem in sanctas ac venerabiles manus suas : item tibi grátias agens, Sinistra tenens Calicem, dextera signat super eum, benedixit, deditque discipulis suis, dicens : Accípите & bibite ex eo omnes.

Profert verba consecrationis secretè super Calicem, tenens illum parum elevatum.

Hic

Hic est enim Calix  
Sanguinis mei, novi,  
& æterni Testamenti;  
mysterium fidei: qui pro  
vobis, & pro multis  
effundetur in remissionem  
peccatorum.

Prolatis verbis consecratio-  
nis, deponit Calicem super  
Corporale, & dicens secretè:  
Hæc quotiescúmque feceritis,  
in mei memoriam facietis.  
Genuflexus adorat: surgit, o-  
stendit populo, deponit, coo-  
perit, & iterum adorat. Dein-  
de disjunctis manibus dicit:

**U**Nde & memores, Dómine,  
nos servi tui, sed & plebs  
tua sancta, ejúsdem Christi Filii  
tui Dómini nostri tam beátæ  
passiónis, nec non & ab inferis  
resurrectiónis, sed & in coelos  
gloriosæ ascensiónis: offerimus  
præclará majestáti tuæ de tuis  
donis, ac datis, Jungit manus,  
& signat ter super Hostiam, &  
Calicem simul, Hostiam ✠ pu-  
ram, Hostiam ✠ sanctam,  
Hostiam ✠ immaculatam, Si-  
gnat semel super Hostiam, &  
semel super Calicem: Panem  
✠ sanctum vitæ æternæ, &  
Calicem ✠ salutis perpétuæ.

Extensis manibus prosequitur:

**S**upra quæ propitio, ac seré-  
no vultu respicere digneris,  
& accepta habere, sicuti accé-  
pta habere dignatus es mune-  
ra pueri tui justí Abel, & sacri-  
fícium Patriarchæ nostri Abra-  
hæ: & quod tibi obtulit sum-  
mus Sacerdos tuus Melchíse-  
dech, sanctum Sacrificium, im-  
maculatam Hostiam.

Profundè inclinatus junctis  
manibus, & super Altare po-  
sitis, dicit:

**S**upplices te rogámus omni-  
potens DEUS: jube hæc  
perferri per manus sancti An-  
geli tui in sublíme altáre tuum,  
in conspéctu divínæ Majestátis  
tuæ: ut quotquot, osculatur  
Altare, ex hac altáris participa-  
tione, sacrosánctum Filii tui,  
Jungit manus, & signat semel  
super Hostiam, & semel super  
Calicem, Cor ✠ pus, & Sán-  
guinem sumpserimus, Se-  
ipsum signat, omni benedi-  
ctione cœlesti, & grátia replea-  
mur. Per eúndem Christum  
Dóminum nostrum, Amen.

#### Commemoratio pro Defunctis

**M**emento etiam, Dómine,  
famulorum, famularum-  
que tuarum N. & N. qui nos  
præcesserunt cum signo fidei,  
& dormiunt in somno pacis.



Jungit manus, orat aliquantum pro iis defunctis, pro quibus orare intendit, deinde extensis manibus prosequitur: ipsis, Dómine, & ómnibus in Christo quiescéntibus, locum refrigerii, lucis, & pacis, ut indulgeas, deprecámur. **Jungit** manus, & caput inclinat: Per eúndem Christum Dóminum nostrum, Amen.

Manu dextera percutit sibi pectus, elata parum voce dicens:

**N**obis quoque peccatóribus fámulis tuis, de multitudine miseratiónum tuárum sperántibus, partem áliquam, & societátem donáre dignéris, cum tuis sanctis Apóstolis, & Martyribus: cum Joánne, Stéphano, Mathía, Bárnaba, Ignátio, Alexándro, Marcellino, Petro, Felicitáte, Perpétua, Agatha, Lucía, Agnéte, Cæcília, Anastásia, & ómnibus Sanctis tuis: intra quorum nos consórtium, non æstimátor mériti, sed vénia, quæsumus, largitor admítte. **Jungit** manus. Per Christum Dóminum nostrum.

**P**er quem hæc ómnia, Dómine, semper bona creas, Signat ter super Hostiam, & Calicem simul, dicens: sanctificas, vivificas, benedícis, & præstas nobis. **Dis-**

cooperit Calicem, genuflectit, accipit Sacramentum dextera, tenens sinistra Calicem: signat cum Hostia ter a labio ad labium Calicis, dicens: Per ipsum, & cum ipso, & in ipso, bis signat inter Calicem, & pectus, est tibi DEO Patri omnipoténti, in unitate Spíritus sancti, Elevans parum Calicem cum Hostia dicit: omnis honor, & glória. Repónit Hostiam, cooperit Calicem, genuflectit, surgit, & dicit:

**P** Er ómnia sæcula sæ-

culórum. & Amen.

**Jungit** manus.

**Orémus.** Præceptis salu-

táribus móniti, & divína

institutióne formáti au-

démus dícere.

**Extendit** manus.

**Pater**



**P**ater noster, qui es in  
 cœlis: Sanctificetur nomen  
 tuum: Advéniat regnum  
 tuum: Fiat volúntas tua,  
 sicut in cœlo, & in terra.  
 Panem nostrum quotidi-  
 num da nobis hódie: Et  
 dimitte nobis débita nostra,  
 sicut & nos dimittimus de-  
 bitóribus nostris. Et ne

nos in dúcas in tenta-  
 ti ónem.

*R.* Sed libera nos à malo.

*Sacerdos submissa voce dicit:*  
 Amen.

*Deinde accipit Patenam in-  
 ter indicem & medium digi-  
 tos, & dicit:*

**L**ibera nos, quæsumus Dó-  
 mine, ab ómnibus malis,  
 præteritis, præsentibus, & fu-  
 tûris: & intercedente beáta, &  
 gloriósa semper Vírgine DEI  
 genitríce MARIA, cum beátis  
 Apóstolis tuis Petro & Paulo,  
 atque Andréa, & ómnibus  
 Sanctis, *Signat se cum Patena  
 à fronte ad pectus, & eam  
 osculatur:* da propítius pacem  
 in diébus nostris: ut ope mise-  
 ricórdiæ tuæ adjúti, & a pec-  
 cato fimus semper liberi, & ab  
 omni perturbatióne secûri.

*Submittit Patenam Hostiæ,  
 discooperit Calicem, genufle-  
 ctit, surgit, accipit Hostiam,  
 frangit eam super Calicem per  
 medium, dicens: Per eundem*


Dómi-




**Dóminum nostrum JESUM Christum Fílium tuum.**

Partem, quæ in dextera est, ponit super Patenam. Deinde ex parte, quæ in sinistra remansit, frangit particulam, dicens: **Qui tecum vivit, & regnat in unitate Spiritûs sancti DEUS.**

Aliam mediam partem cum ipsa sinistra ponit super Patenam, & dextera tenens particulam super Calice, sinistra Calicem, dicit:




**Per ómnia sæcula sæculó-**




**rum. R. Amen.**


Cum ipsa particula signat ter super Calicem dicens:



**Pax ✠ Dómini sit ✠ sem-**



**per vobis ✠ cum.**



**R. Et cum spíritu tuo.**

Particulam ipsam immittit in Calicem, dicens secretè:

**H**Æc commixtio & consecratio Córporis & Sanguinis Dómini nostri JESU Christi, fiat accipientibus nobis in vitam ætérnam, Amen.

Cooperit Calicem, genuflectit, surgit, & inclinatus Sacramento, junctis manibus dicit:

**Agnus DEI, qui tollis peccáta mundi, dona eis réquiem.**

**Agnus DEI, qui tollis peccáta mundi, dona eis réquiem.**

**Agnus DEI, qui tollis peccáta mundi, dona eis réquiem sempitérnam.**

Deinde junctis manibus super Altare, inclinatus dicit sequentes Orationes.

**D**omine JESU Christe, Fili DEI vivi, qui ex voluntate Patris, cooperante Spíritu sancto, per mortem tuam mundum vivificasti: libera me per hoc sacrosánctum Corpus, & Sanguinem tuum, ab ómnibus iniquitatibus meis, & univérsum malis: & fac me tuis semper inhærere mandátis, & à te nunquam separári permittas: Qui cum eódem DEO Patre & Spíritu sancto vivis & regnas DEUS in sæcula sæculórum, Amen.

**P**ercéptio Córporis tui, Domine JESU Christe, quod ego indignus sũmere præsumo, non mihi provéniat in ju-

dícium



dicium & condemnationem : sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia sæcula sæculorum, Amen.

*Genuflectit, surgit, & dicit:*

**P**anem coelestem accipiam, & nomen Domini invocabo.

*Deinde parum inclinatus, accipit ambas partes Hostiæ inter pollicem & indicem sinistrae manus, & Patenam inter eundem indicem & medium : & dextera percutiens pectus, elevata aliquantulum voce dicit ter devotè & humiliter :*

**D**omine, non sum dignus, ut intres sub tectum meum : sed tantum dic verbo, & sanabitur anima mea.

*Postea dextera se signans cum Hostia super Patena, dicit:*

**C**orpus Domini nostri JESU Christi custodiat animam meam in vitam æternam, Amen.

*Sumit reverenter ambas partes Hostiæ, jungit manus, & quiescit aliquantulum in meditatione sanctissimi Sacramenti.*

*Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens :*

**Q**uid retribuam Domino pro omnibus, quæ retri-

buit mihi ? Calicem salutaris accipiam, & nomen Domini invocabo. Laudans invocabo Dominum, & ab inimicis meis salvus ero.

*Accipit Calicem manu dextera, & eo se signans, dicit :*

**S**anguis Domini nostri JESU Christi custodiat animam meam in vitam æternam, Amen.

*Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit :*

**Q**uod ore sumpsimus Domine, pura mente capiamus : & de munere temporali fiat nobis remedium sempiternum.

*Interim porrigit Calicem ministro, qui infundit in eo parum vini, quo se purificat : deinde prolequitur :*

**C**orpus tuum Domine, quod sumpsi, & Sanguis, quem potavi, adhæreat visceribus meis : & præsta, ut in me non remaneat scelerum macula, quem pura & sancta refecerunt sacramenta. Qui vivis & regnas in sæcula sæculorum, Amen.

*Abluit digitos, extergit, & sumit ablutionem, extergit os & Calicem, quem operit, & plicato Corporali. collocat in Altari ut prius : deinde prosequitur Missam.*

*Dicto,*




Dicto, post ultimam Orationem, Dominus vobiscum.

R. Et cum Spiritu tuo.

Dicit V. Requiéscant in pace.

R. Amen.

In Missis solemnibus hoc tono cantatur.



Requiéscant in pa ce.

Deinde Sacerdos inclinat se ante medium Altaris, & manibus junctis super illud, dicit:

**P**laceat tibi, sancta Trinitas obsequium servitutis meæ, & præsta: ut sacrificium, quod oculis tuæ majestatis indignus obtuli, tibi sit acceptabile, mihi que, & omnibus, pro quibus illud obtuli, sit, te miserante, propitiabile. Per Christum Dominum nostrum, Amen.

Deinde osculatur Altare, & legit Evangelium sancti Joannis.

Initium S. Evangelii secundum Joannem. Joan. I.

**I**n principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil, quod factum est: in ipso vita

erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: Qui non ex sanguinibus, neque ex voluntate carnis, neque ex voluntate viri, sed ex Deo nati sunt. Hic genu flectitur. Et verbum caro factum est, & habitavit in nobis: & vidimus gloriam ejus, gloriam quasi unigeniti a Patre, plenum gratiæ & veritatis.

R. DEO gratias.

Finito Evangelio S. Joannis discedens ab Altari, pro gratiarum actione dicit Antiphonam, **Trium puerorum.** cum reliquis; ut habetur infra in fine hujus libri.

MISSÆ



# MISSÆ PROPRIÆ PRO DEFUNCTIS. IN COMMEMORATIONE Omnium Fidelium Defunctorum.

Introitus.

**R**equiem æternam dona eis Dómine: & lux perpétua luceat eis.

*Psal. 64. Te decet hymnus DEUS in Sion, & tibi reddetur votum in Jerúsalem: exáudi orationem meam, ad te omnis caro veniet. Deinde absolute repetitur: Requiem æternam, usque ad Psalmum.*

Oratio.

**F**idélium DEUS ómnium Cónditor, & Redemptor: animábus famulorum famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis & regnas cum Deo Patre in unitate Spíritus sancti Deus, per ómnia sæcula sæculorum. *R. Amen.*

Lectio Epístolæ beati Pauli Apóstoli ad Corinthios. *I. Cor. 15. g.*

**F**ratres, Ecce mystérium vobis dico: Omnes quidem resurgemus, sed non omnes immutabimur. In momento, in ictu óculi, in novíssima tuba: canet enim tuba, & mórtui resurgent incorrupti: & nos immutabimur. Opórtet enim corruptibile hoc induere incorruptionem; & mortále hoc induere immortalitatem. Cum autem mortále hoc induerit immortalitatem, tunc fiet sermo, qui scriptus est: Absórpta est mors in victória. Ubi est mors victória tua? ubi est mors stimulus tuus? Stimulus autem mortis peccátum est: virtus verò peccati lex.

DEO autem grátias, qui dedit nobis victóriam per Dóminum nostrum JESUM Christum.

Graduale. Requiem æternam dona eis Dómine: & lux perpétua luceat eis. *Psalm. 111. In memoria æterna erit justus: ab auditióne mala non timebit.*

Tractus. Absólve, Dómine, ánimas ómnium fidélium defunctorum ab omni vínculo delictorum. *Ps. Et grátia tua illis succurrénte, mereántur evádere iudiciu ultiónis. Ps. Et lucis æternæ beatitúdine pérfrui.*

Sequentia.

**D**ies iræ, dies illa,  
Solvat sæclum in favilla:  
Teste David cum Sibylla.  
Quantus tremor est futurus,  
Quando Judex est venturus,  
Cuncta stricte discussurus!  
Tuba mirum spargens sonum  
Per sepúlcras regiónum,  
Coget omnes ante Thronum.  
Mors stupebit, & natura,  
Cum resurget creatura,  
Judicanti responsura.  
Liber scriptus proferetur,  
In quo totum continetur,  
Unde mundus judicetur.  
Judex ergo cum sedebit,  
Quidquid latet, apparebit:  
Nil inultum remanebit:  
Quid sum miser tunc dicturus?  
Quem patrónum rogaturus?  
Cum vix justus sit securus.

C.

Rex

R ex tremendæ Majestatis,  
 Qui salvandos salvas gratis,  
 Salva me fons pietatis.  
 Recordare JESU pie,  
 Quod sum causa tuæ viæ,  
 Ne me perdas illa die.  
 Quærens me sedisti lassus:  
 Redemisti, crucem passus:  
 Tantus labor non sit cassus,  
 Juste Judex ultionis,  
 Donum fac remissionis  
 Ante diem rationis.  
 Ingemisco tanquam reus:  
 Culpâ rubet vultus meus:  
 Supplicanti parce DEUS.  
 Qui Mariam absolvisti,  
 Et latronem exaudisti,  
 Mihi quoque spem dedisti.  
 Preces meæ non sunt dignæ:  
 Sed tu bonus fac benigne,  
 Ne perenni cremer igne.  
 Inter oves locum præsta,  
 Et ab hædis me sequestra,  
 Statuens in parte dextra,  
 Confutatis maledictis,  
 Flammis æcribus addictis,  
 Voca me cum benedictis.  
 Oro supplex & acclinis,  
 Cor contritum quasi cinis;  
 Gere curam mei finis.  
 Lacrymôsa dies illa,  
 Quâ resurget ex favilla  
 Judicandus homo reus.  
 Huic ergo parce DEUS,  
 Pie JESU Dómine:  
 Dona eis réquiem. Amen.

Sequéntia sancti Evangélîi secundum  
 Joánnem. Joan. 5. d.

**I**N illo témpore: Dixit JESUS turbis  
 Judæorum: Amen, amen dico vobis,  
 quia venit hora, & nunc est, quando  
 mórtui áudient vocem Fílii DEI, & qui  
 audierint, vivent. Sicut enim Pater ha-  
 bet vitam in semetípso, sic dedit & Fílio  
 habere vitam in semetípso: & potestatem

dedit ei judícium fácere, quia Fílius hó-  
 minis est. Nolite mirári hoc, quia venit  
 hora, in qua omnes, qui in monumén-  
 tis sunt, áudient vocem Fílii DEI: & pro-  
 cédent, qui bona fecerunt, in resurre-  
 ctionem vitæ: qui verò mala egérunt, in  
 resurrectionem judícii.

Offertorium. Dómine JESU Christe,  
 Rex glóriæ, libera ánimas ómnium fidé-  
 lium defunctorum de pœnis inférni, &  
 de profúndo lacu: libera eas de ore leó-  
 nis, ne absorbéat eas tártarus, ne cadant  
 in obitúrum: sed Signifer sanctus Mí-  
 chaél repræsentet eas in lucem sanctam:  
 \* Quam olim Abrahæ promisisti, &  
 semini ejus. *Ps.* Hóstias & preces tibi,  
 Dómine, laudis offerimus: tu súscipe  
 pro animábus illis, quarum hódie me-  
 móriam fácimus: fac eas Dómine de  
 morte transire ad vitam. Quam olim  
 Abrahæ promisisti, & semini ejus.

Secreta.

**H**ostias, quæsumus Dómine, quas ti-  
 bi pro animábus famulorum famu-  
 larumque tuarum offerimus, propitiatus  
 inténde: ut, quibus fidei Christiánæ mé-  
 ritum contulisti, dones & præmium.  
 Per Dóminum nostrum JESUM Christum  
 Fílium tuum: Qui tecum.

Communio. Lux æterna luceat eis Dó-  
 mine, \* Cum Sanctis tuis in ætérnum:  
 quia pius es. *Ps.* Réquiem ætérnam do-  
 na eis Dómine: & lux perpétua luceat  
 eis. Cum Sanctis tuis in ætérnum: quia  
 pius es.

Postcommunio.

**A**nimabus, quæsumus Dómine, fa-  
 mulorum famularumque tuarum  
 oratio proficiat supplicantium, ut eas &  
 à peccatis ómnibus exuas, & tuæ redem-  
 ptionis facias te participes. Qui vivis  
 & regnas cum Deo Patre.

Dicto Dóminus vobiscum, dicitur  
 Requiescant in pace. *R.* Amen. &  
 non datur benedictio: sed dicto secreto



Pláceat tibi sancta Trinitas, & osculato Altari, legitur Evangelium sancti Joannis. In principio erat Verbum, ut moris est.

## IN DIE OBITU,

seu depositionis Defuncti.

## Introitus.

**R**equiem æternam dona eis Dómine: & lux perpétua luceat eis.  
Psalm. 64. Te decet hymnus  
DEUS in Sion, & tibi reddétur  
votum in Jerúsalem: exáudi orationem  
meam, ad te omnis caro véniet. Ré-  
quiem æternam.

## Oratio

**D**EUS, cui próprium est miseréri sem-  
per & parcere, te súpplices exorá-  
mus pro ánima fámuli tui N. quam hó-  
die de hoc sæculo migráre iussisti; ut non  
tradas eam in manus inimíci, neque  
obliviscáris in finem, sed júbeas eam à  
sanctis Angelis súscipi, & ad pátriam pa-  
radísi perdúci; ut, quia in te sperávit  
& credidit, non pœnas inférni susti-  
neat, sed gáudia æterna possideat. Per  
Dóminum nostrum.

Léctio Epístolæ beáti Pauli Apóstoli ad  
Thessalonicénse. 1. Thessal. 4.c.

**F**Ratres, nólumus vos ignoráre de  
dormiéntibus, ut non contristémi-  
ni, sicut & céteri, qui spem non habent.  
Si enim crédimus, quod JESUS mórtuus  
est, & resurrexit: ita & DEUS eos, qui dor-  
miérunt per JESUM, addúcet cum eo.  
Hoc enim vobis dicimus in verbo Dómi-  
ni, quia nos, qui vívimus, qui relídui  
sumus in advéntum Dómini, non præ-  
veniémus eos, qui dormiérunt. Quó-  
niam ipse Dóminus in iussu, & in voce  
Archángeli, & in tuba DEI descéndet de  
cœlo: & mórtui, qui in Christo sunt,  
resúrgent primi. Deinde nos, qui vívi-  
mus, qui relinquimur, simul rapiémur  
cum illis in núbibus óbviám Christo in

áera, & sic semper cum Dómino eri-  
mus. Itaque consolámini invicem in  
verbis istis.

Graduale. Réquiem æternam dona eis  
Dómine: & lux perpétua luceat eis.  
Psalm. 111. In memória æterna erit ju-  
stus: ab auditióne mala non timébit.

Tractus. Absólve, Dómine, ánimas  
ómnium fidélium defunctorum ab omni  
vínculo delictórum. V. Et grátia tua  
illis succurrénte, mercántur evádere ju-  
dícium ultiónis. V. Et lucis æternæ  
beatitúdine pérfrui.

## Sequentia.

**D**ies iræ, dies illa,  
Solvét sæclum in favilla:  
Teste David cum Sibylla.  
Quantus tremor est futurus,  
Quando Judex est venturus,  
Cuncta stricte discussurus!  
Tuba mirum spargens sonum  
Per sepúlcrá regiónum,  
Coget omnes ante Thronum.  
Mors stupébit, & natúra,  
Cum resúrget creatúra,  
Judicánti responsúra.  
Liber scriptus proferétur,  
In quo totum continétur,  
Unde mundus judicétur.  
Judex ergo cum sedébit,  
Quidquid latet, apparebit:  
Nil inúltum remanébit.  
Quid sum miser tunc dicturus?  
Quem patrónum rogáturus?  
Cum vix justus sit secúrus.  
Rex treméndæ Majestátis,  
Qui salvándos salvas gratis,  
Salva me fons pietátis.  
Recordáre JESU pie,  
Quod sum causa tuæ viæ,  
Ne me perdas illa die.  
Quærens me sedisti lassus:  
Redemísti, crucem passus:  
Tantus labor non sit cassus.

Juste Judex ultionis,  
 Donum fac remissionis  
 Ante diem rationis.  
 Ingemisco tanquam reus :  
 Culpâ rubet vultus meus :  
 Supplicanti parce DEUS.  
 Qui Mariam absolvisti,  
 Et latronem exaudisti,  
 Mihi quoque spem dedisti.  
 Preces meæ non sunt dignæ :  
 Sed tu bonus fac benigne,  
 Ne perenni cremer igne.  
 Inter oves locum præsta,  
 Et ab hædis me sequestra,  
 Statuens in parte dextra.  
 Confutatis maledictis,  
 Flammis æcribus addictis,  
 Voca me cum benedictis.  
 Oro supplex & acclinis,  
 Cor contritum quasi cinis;  
 Gere curam mei finis.  
 Lacrymosa dies illa,  
 Quâ resurget ex favilla  
 Judicandus homo reus.  
 Huic ergo parce DEUS,  
 Pie JESU Domine,  
 Dona eis requiem. Amen.

Sequentia sancti Evangelii secundum  
 Joannem. Joan. II. c.

**I**N illo tempore : Dixit Martha ad  
 JESUM : Domine, si fuisses hic, frater  
 meus non fuisset mortuus. Sed & nunc  
 scio, quia quæcumque poposceris à Deo,  
 dabit tibi Deus. Dicit illi JESUS : Resur-  
 get frater tuus. Dicit ei Martha : Scio,  
 quia resurget in resurrectione in novissi-  
 mo die. Dixit ei JESUS : Ego sum resur-  
 rectio, & vita : qui credit in me, etiam si  
 mortuus fuerit, vivet : & omnis, qui  
 vivit, & credit in me, non morietur in  
 æternum. Credis hoc ? Ait illi : Utique  
 Domine, ego credidi, quia tu es Chri-  
 stus Filius DEI vivi, qui in hunc mun-  
 dum venisti.

Offertorium. Domine JESU Christe,  
 Rex gloriæ, libera animas omnium fide-  
 lium defunctorum de poenis inferni, &  
 de profundo lacu : libera eas de ore leo-  
 nis, ne absorbeat eas tartarus, ne cadant  
 in obturum : sed Signifer sanctus Mi-  
 chaël repræsentet eas in lucem sanctam :  
 \* Quam olim Abraham promisisti, &  
 semini ejus. *Ps.* Hostias & preces tibi,  
 Domine, laudis offerimus : tu suscipe  
 pro animabus illis, quarum hodie me-  
 moriam facimus : fac eas Domine de  
 morte transire ad vitam. Quam olim  
 Abraham promisisti, & semini ejus.

Secreta.

**P**ropitiare, quæsumus Domine, ani-  
 mæ famuli tui N. pro qua hostiam  
 laudis tibi immolamus, majestatem  
 tuam suppliciter deprecantes : ut per hæc  
 piæ placationis officia, pervenire mereat-  
 ur ad requiem sempiternam. Per Do-  
 minum nostrum.

Communio. Lux æterna luceat eis Do-  
 mine, \* Cum Sanctis tuis in æternum :  
 quia pius es. *Ps.* Requiem æternam do-  
 na eis Domine : & lux perpétua luceat  
 eis. Cum Sanctis.

Postcommunio.

**P**ræsta, quæsumus omnipotens DEUS,  
 ut anima famuli tui N. quæ hodie  
 de hoc sæculo migravit, his sacrificiis  
 purgata, & à peccatis expedita, indul-  
 gentiam pariter & requiem capiat sem-  
 piternam. Per Dominum.

¶ In die tertio, septimo, & trigésimo  
 depositionis Defuncti, dicitur Missa ut  
 supra, exceptis Orationibus, quæ dicun-  
 tur ut infra.

Oratio.

**Q**uæsumus Domine, ut animæ fa-  
 muli tui N. cujus depositionis diem  
 tertium, vel septimum, vel trigésimum,  
 commemoramus, sanctorum atque ele-  
 ctorum tuorum largiri digneris confor-  
 tium : & rorem misericordiæ tuæ perén-  
 nem infundas. Per Dominum nostrum.

## Secreta.

**M**Unera, quæsumus, Dómine, quæ tibi pro ánima fámuli tui N. offerimus, placátus inténde, ut remédiis purgáta coeléstibus, in tua pietáte requiêscat. Per Dóminum.

## Postcommunio.

**S**Uscipe, Dómine, preces nostras pro ánima fámuli tui N. ut, si quæ ei maculæ de terrénis contágiis adhæserunt, remissionis tuæ misericórdia deleántur. Per Dóminum nostrum.

IN ANNIVERSARIO  
Defunctorum.

## Introitus.

**R**equiem ætérnam dona eis Dómine: & lux perpétua lúceat eis.  
Psal. 64. Te decet hymnus  
DEUS in Sion, & tibi reddétur votum in Jerútalem: exáudi orationem meam, ad te omnis caro véniet. Réquiem ætérnam.

## Oratio.

**D**EUS indulgentiarum Dómine, da animábus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem: Per Dóminum nostrum.

## Lectio libri Machabæorum.

## 2. Machab. 12. g.

**I**N diebus illis: Vir fortissimus Judas, facta collatione, duodecim millia drahmas argenti misit Jerosolymam offerri pro peccatis mortuorum sacrificium, bene, & religiose de resurrectione cogitans. (Nisi enim eos, qui ceciderant, resurrekturos speraret, superfluum videretur, & vanum orare pro mortuis) Et quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.

Graduale. Réquiem ætérnam dona eis Dómine: & lux perpétua lúceat eis.  
Psal. 111. In memoria ætérna erit justus: ab auditióne mala non timébit.

Traetus. Absolve, Dómine, ánimas ómnium fidélium defunctorum ab omni vínculo delictorum. V. Et grátia tua illis succurrénte, mercántur evádere judícium ultiónis. V. Et lucis ætérnæ beatitudine pérfrui.

## Sequentia.

**D**ies iræ, dies illa,  
Solvat sæclum in favilla:  
Teste David cum Sibylla.  
Quantus tremor est futurus,  
Quando Judex est venturus,  
Cuncta stricte discussurus!  
Tuba mirum spargens sonum  
Per sepulcra regionum,  
Coget omnes ante Thronum.  
Mors stupebit, & natura,  
Cum resurget creatura,  
Judicanti responsura.  
Liber scriptus proferetur,  
In quo totum continetur,  
Unde mundus judicetur.  
Judex ergo cum sedebit,  
Quidquid latet, apparebit:  
Nil inultum remanebit.  
Quid sum miser tunc dicturus?  
Quem patronum rogaturus?  
Cum vix justus sit securus.  
Rex tremendæ Majestatis,  
Qui salvandos salvas gratis,  
Salva me fons pietatis.  
Recordare JESU pie,  
Quod sum causa tuæ viæ,  
Ne me perdas illa die.  
Quærens me sedisti lassus:  
Redemisti, crucem passus:  
Tantus labor non sit cassus.  
Juste Judex ultionis,  
Donum fac remissionis  
Ante diem rationis.



Ingemisco tamquam reus :  
 Culpâ rubet vultus meus :  
 Supplicanti parce DEUS.  
 Qui Mariam absolvisti,  
 Et latronem exaudisti,  
 Mihi quoque spem dedisti.  
 Preces meæ non sunt dignæ :  
 Sed tu bonus fac benignè,  
 Ne perenni cremer igne.  
 Inter oves locum præsta,  
 Et ab hædis me sequestra,  
 Statuens in parte dextra,  
 Confutatis maledictis,  
 Flammis acribus addictis,  
 Voca me cum benedictis.  
 Oro supplex & acclinis,  
 Cor contritum quasi cinis ;  
 Gere curam mei finis.  
 Lacrymosa dies illa,  
 Quâ resurget ex favilla  
 Judicandus homo reus.  
 Huic ergo parce DEUS,  
 Pie JESU Dómine :  
 Dona eis réquiem. Amen.

Sequentia sancti Evangélii secundum  
 Joannem. Joan. 6. d.

**I**N illo tempore : Dixit JESUS turbis  
 Judæorum : Omne, quod dat mihi Pa-  
 ter, ad me veniet : & eum, qui venit  
 ad me, non ejiciam foras : quia descen-  
 di de cœlo, non ut faciam voluntatem  
 meam, sed voluntatem ejus, qui misit  
 me. Hæc est autem voluntas ejus, qui  
 misit me, Patris : ut omne, quod dedit  
 mihi, non perdam ex eo, sed resuscitem  
 illud in novissimo die. Hæc est autem  
 voluntas Patris mei, qui misit me : ut  
 omnis, qui videt Filium, & credit in  
 eum, habeat vitam æternam, & ego re-  
 suscitabo eum in novissimo die.

Offertorium. Dómine JESU Christe,  
 Rex glóriæ, libera ánimas ómnium fide-  
 lium defunctorum de pœnis inférni, &  
 de profundo lacu : libera eas de ore leo-  
 nis, ne absorbeat eas tartarus, ne cadant

in obicûrum : sed Signifer sanctus Mi-  
 chaël repræsentet eas in lucem sanctam :  
 \* Quam olim Abrahæ promissisti, &  
 semini ejus. V. Hóstias & preces tibi,  
 Dómine, laudis offerimus : tu suscipe  
 pro animabus illis, quarum hódie me-  
 móriam facimus : fac eas Dómine de  
 morte transire ad vitam. Quam olim  
 Abrahæ promissisti, & semini ejus.

Secreta.

**P**ropitiare, Dómine, supplicationibus  
 nostris, pro animabus famulorum  
 famularumque tuarum, quorum hódie  
 ánnua dies ágitur, pro quibus tibi offe-  
 rimus sacrificium laudis : ut eas Sancto-  
 rum tuorum consórtio sociare digneris  
 Per Dóminum.

Communio. Lux æterna luceat eis Dó-  
 mine, \* Cum Sanctis tuis in ætérnum :  
 quia pius es. V. Réquiem æternam do-  
 na eis Dómine : & lux perpétua luceat  
 eis. Cum Sanctis.

Postcommunio.

**P**ræsta, quæsumus Dómine, ut áni-  
 mæ famulorum famularumque tuá-  
 rum, quorum anniversarium depositio-  
 nis diem commemoramus, his purgata  
 sacrificiis, indulgéntiam páriter & ré-  
 quiem cápiant sempiternam. Per Dómi-  
 num nostrum JESUM Christum Filium  
 tuum : Qui tecum.

¶ Si pro uno fiat anniversarium, præ-  
 dictæ Orationes dicantur in singulari  
 numero.

**I N M I S S I S**  
 quotidianis Defunctorum.

Introitus.

**R**equiem æternam dona eis Dómi-  
 ne : & lux perpétua luceat eis.  
 Psalm. 64. Te decet hymnus  
 DEUS in Sion, & tibi reddetur  
 votum in Jerúsalem : exaudi orationem  
 meam, ad te omnis caro veniet.  
 Réquiem æternam.

Pro

Pro defunctis Episcopis, seu  
Sacerdotibus.

Oratio.

**D**EUS, qui inter Apostólicos Sacerdotes, famulos tuos Pontificáli, seu Sacerdotáli fecisti dignitate vigere: præsta quæsumus; ut eorum quoque perpétuo aggregentur consortio. Per Dóminum nostrum JESUM Christum.

Pro defunctis Fratribus, Propinquis,  
& Benefactoribus

Oratio.

**D**EUS, véniæ largitor, & humanæ salutis amátor: quæsumus cleméntiam tuam, ut nostræ congregatiónis fratres, propinquos, & benefactóres, qui ex hoc sæculo transierunt; beáta María semper Virgine intercedente, cum ómnibus Sanctis tuis, ad perpétuæ beatitudinis consortiū pervenire concédas.

Pro omnibus fidelibus Defunctis.

Oratio.

**F**idéliam DEUS ómnium Cónditor, & Redemptor: animabus famulorum famularumque tuarum, remissionem cunctorum tribus peccatorum; ut indulgentiam, quam semper optaverunt, piis supplicationibus consequantur. Qui vivis & regnas cum DEO Patre in unitate Spíritus sancti DEUS, per ómnia sæcula sæculorum. R. Amen.

Lectio Libri Apocalypsis beati Joannis  
Apóstoli. Apóc. 14. c.

**I**N diébus illis: Audivi vocem de cœlo, dicentem mihi: Scribe: Beati mórtui, qui in Dómino moriuntur. Amodo jam dicit Spíritus, ut requiescant à labóribus suis: ópera enim illórum sequuntur illos.

Graduale. Réquiem æternam dona eis Dómine: & lux perpétua luceat eis. *Psalm. III.* In memória æterna erit justus: ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. *Psalm.* Et grátia tua illis succurrénte, mereantur evádere ju-

diciū ultiónis. *Psalm.* Et lucis æternæ beatitudine pèfrui.

Sequentia ad arbitrium Sacerdotis.

**D**ies iræ, dies illa,  
Solvat sæclum in favilla:  
Teste David cum Sibylla.  
Quantus tremor est futurus,  
Quando Judex est venturus,  
Cuncta stricte discussurus!  
Tuba mirum spargens sonum  
Per sepúlcrá regiónum,  
Coget omnes ante Thronum.  
Mors stupébit, & nátura,  
Cum resúrget creatúra,  
Judicanti responsúra.  
Liber scriptus proferétur,  
In quototum continétur.  
Unde mundus judicétur.  
Judex ergo cum sedébit,  
Quidquid latet, apparebit:  
Nil inúltum remanébit.  
Quid sum miser tunc dicturus?  
Quem patronum rogáturus?  
Cum vix justus sit secúrus.  
Rex tremendæ Majestátis,  
Qui salvándos salvas gratis,  
Salva me fons pietátis.  
Recordáre JESU pie,  
Quod sum causa tuæ viæ,  
Ne me perdas illa die.  
Quærens me sedisti lassus:  
Redemisti, crucem passus:  
Tantus labor non sit cassus.  
Jusse Judex ultionis,  
Donum fac remissionis  
Ante diem rationis.  
Ingemisco tamquam reus:  
Culpâ rubet vultus meus:  
Supplicanti parce DEUS.  
Qui Mariam absolvisti,  
Et latrónem exaudisti,  
Mihi quoque spem dedisti.  
Preces meæ non sunt dignæ:  
Sed tu bonus fac benigne,  
Ne perénni cremer igne.

Inter oves locum præsta,  
Et ab hædis me sequestra,  
Statuens in parte dextra.

Confutatis maledictis,  
Flammis acribus addictis,  
Voca me cum benedictis.

Oro supplex & acclinis,  
Cor contritum quasi cinis;  
Gere curam mei finis.

Lacrymosa dies illa,  
Quæ resurget ex favilla  
Judicandus homo reus.

Huic ergo parce DEUS,  
Pie JESU Domine,  
Dona eis requiem. Amen.

Sequentia sancti Evangelii secundum  
Joannem. Joan. 6. f.

**I**N illo tempore: Dixit JESUS turbis  
Judæorum: Ego sum panis vivus, qui  
de cælo descendi. Si quis manducave-  
rit ex hoc pane: vivet in æternum: &  
panis, quem ego dabo, caro mea est pro  
mundi vita. Litigabant ergo Judæi ad  
invicem, dicentes: Quomodo potest hic  
nobis carnem suam dare ad manducan-  
dum? Dixit ergo eis JESUS: Amen, amen  
dico vobis: Nisi manducaveritis carnem  
Fili hominis, & biberitis ejus sanguinem,  
non habebitis vitam in vobis. Qui man-  
ducat meam carnem, & bibit meum  
sanguinem, habet vitam æternam: & ego  
resuscitabo eum in novissimo die.

**Offertorium.** Domine JESU Christe,  
Rex gloriæ, libera animas omnium fide-  
lium defunctorum de pœnis inferni, &  
de profundo lacu, libera eas de ore leô-  
nis; ne absorbeat eas tartarus, ne cadant  
in obscurum: sed lignifer sanctus Mi-  
chael repræsentet eas in lucem sanctam,  
Quam olim Abraham promissisti, &  
semini ejus. *V.* Hostias & preces tibi  
Domine, laudis offerimus: tu suscipe  
pro animabus illis, quarum hodie me-  
moriam facimus: fac eas Domine de

morte transire ad vitam. Quam olim  
Abraham promissisti, & semini ejus.

Pro defunctis Episcopis, seu  
Sacerdotibus,

Secreta.

**S**UScipe, Domine quæsumus, pro ani-  
mabus famulorum tuorum Pontifi-  
cum seu Sacerdotum, quas offerimus  
hostias: ut quibus in hoc sæculo Pontifi-  
cæ, seu sacerdotæ, donasti meritum, in  
cœlesti regno Sanctorum tuorum jubeas  
jungi consortio. Per Dominum nostrum

Pro defunctis Fratribus, Propinquis,  
& Benefactoribus.

Secreta.

**D**EUS, cujus misericordiæ non  
est numerus, suscipe propitius preces  
humilitatis nostræ: & animabus fratrum,  
propinquorum, & benefactorum no-  
strorum, quibus tui nominis dediti con-  
fessionem, per hæc Sacramenta salutis  
nostræ, cunctorum remissionem tribue  
peccatorum.

Pro omnibus fidelibus Defunctis.

Secreta.

**H**ostias, quæsumus Domine, quas ti-  
bi pro animabus famulorum famu-  
larumque tuarum offerimus, propiti-  
us intende: ut, quibus fidei Christianæ  
meritum contulisti, dones & præmium.  
Per Dominum nostrum JESUM Chri-  
stum Filium tuum: Qui tecum.

**Communio.** Lux æterna luceat eis Dô-  
mine: \* cum Sanctis tuis in æternum:  
quia pius es. *V.* Requiem æternam dona  
eis Domine: & lux perpétua luceat  
eis. Cum sanctis.

Pro defunctis Episcopis, seu Sacer-  
dotibus.

Postcommunio.

**P**rofit: quæsumus Domine, animabus  
famulorum tuorum Pontificum, seu  
Sacerdotum misericordiæ tuæ implorata  
clementia: ut ejus, in quo speraverunt, &  
crediderunt, æternum capiant te miseran-  
te, consortium. Per Dominum nostrum.

Pro



Pro defunctis fratribus, propinquis,  
& benefactoribus.

Postcommunio.

**P**raesta, quæsumus omnipotens & misericors DEUS: ut animæ fratrum, propinquorum, & benefactorum nostrorum, pro quibus hoc Sacrificium laudis tuæ obtulimus Majestati; per hujus virtutem Sacramenti à peccatis omnibus expiata, lucis perpetuæ, te miserante, recipiant beatitudinem.

Pro omnibus Fidelibus defunctis.

Postcommunio.

**A**nimabus, quæsumus Domine, famulorum, famularumque tuarum oratio proficiat supplicantium: ut eas & à peccatis omnibus exuas; & tuæ redemptionis facias esse participes. Qui vivis & regnas cum DEO Patre.

¶ Epistolæ & Evangelia superius posita in una Missa pro Defunctis, dici possunt etiam in alia Missa similiter pro Defunctis.

### ORATIONES DIVERSÆ pro Defunctis.

¶ In die depositionis, & anniversario Summi Pontificis, dicitur prima Missa ut supra fol. 17. præter Orationes, quæ dicuntur ut infra.

Oratio.

**D**EUS, qui inter summos Sacerdotes famulum tuum N. ineffabili tua dispositione connumerari voluisti: præsta quæsumus; ut qui unigeniti Filii tui vices in terris gerēbat, sanctorum tuorum Pontificum consortio perpetuo aggregetur. Per eundem Dominum nostrum.

Secreta.

**S**uscipe, Domine, quæsumus, pro anima famuli tui N. Summi Pontificis, quas offerimus hostias: ut cui in hoc sæculo Pontificale donasti meritum; in coelesti regno Sanctorum

tuorum jubeasungi consortio. Per Dominum.

Postcommunio.

**P**rofit, quæsumus Domine, animæ famuli tui N. summi Pontificis, misericordiæ tuæ implorata clementia: ut ejus, in quo speravit & credidit, æternum capiat, te miserante, consortium. Per Dominum nostrum.

¶ Pro defuncto Episcopo dicitur prima Missa, ut supra Orationes verò ut infra

Oratio.

**D**EUS, qui inter Apostolicos Sacerdotes, famulum tuum N. Pontificali fecisti dignitate vigere: præsta quæsumus; ut eorum quoque perpetuo aggregetur consortio. Per Dominum.

Secreta.

**S**uscipe, Domine quæsumus, pro anima famuli tui N. Pontificis, quas offerimus hostias: ut cui in hoc sæculo Pontificale donasti meritum; in caelesti regno Sanctorum tuorum jubeasungi consortio. Per Dominum.

Postcommunio.

**P**rofit, quæsumus Domine, animæ famuli tui N. Pontificis, misericordiæ tuæ implorata clementia: ut ejus, in quo speravit & credidit; æternum capiat, te miserante, consortium. Per Dominum nostrum.

Pro Episcopo Cardinali defuncto.

Oratio.

**D**EUS, qui inter Apostolicos Sacerdotes, famulum tuum N. Episcopum Cardinalem, Pontificali fecisti dignitate vigere: præsta quæsumus; ut eorum quoque perpetuo aggregetur consortio. Per Dominum.

Secreta.

**S**uscipe, Domine quæsumus, pro anima famuli tui N. Pontificis Cardinalis, quas offerimus hostias: ut cui in hoc sæculo Pontificale donasti meritum; in caelesti regno Sanctorum tuorum jubeasungi consortio. Per Dominum nostrum.

JESUM Christum Filium tuum.

## Postcommunio.

**P**rofit, quæsumus Dómine, animæ famuli tui N. Pontificis Cardinalis, misericordiæ tuæ implorata cleméntia: ut ejus, in quo sperávit & credidit, ætérnum cāpiat, te miserante consórtium. Per Dóminum.

Pro Presbytero Cardinali defuncto.

## Oratio.

**D**EUS, qui inter Apostólicos Sacerdotes, famulum tuum N. Presbyterum Cardinalem sacerdotáli fecisti dignitate vigére: præsta quæsumus; ut eórum quoque perpétuo aggregétur consórtio. Per Dóminum.

## Secreta.

**S**uscipe, Dómine, quæsumus pro anima famuli tui N. Presbyteri Cardinalis, quas offerimus hóstias: ut cui in hoc sæculo sacerdotale donásti méritum; in coelésti regno Sanctorum tuorum júbeas jungi consórtio. Per Dóminum nostrum.

## Postcommunio.

**P**rofit, quæsumus Dómine, animæ famuli tui N. Presbyteri Cardinalis, misericordiæ tuæ implorata cleméntia: ut ejus, in quo sperávit & credidit; ætérnum cāpiat, te miserante, consórtium. Per Dóminum.

Pro Diacono Cardinali defuncto.

## Oratio.

**I**ncлина Dómine aurem tuam ad preces nostras, quibus misericordiam tuam supplices deprecámur: ut animam famuli tui N. Diaconi Cardinalis, quam de hoc sæculo migráre jussisti, in pacis ac lucis regione constituas, & Sanctorum tuorum júbeas esse consórtem. Per Dóminum.

## Secreta.

**A**nnue nobis, quæsumus Dómine, ut animæ famuli tui N. Diaconi Cardinalis, hæc profit oblátio: quam immolándo, totius mundi tribuisti relaxári delicta. Per Dóminum nostrum JESUM Christum.

## Postcommunio.

**A**bsolve, quæsumus Dómine, animam famuli tui N. Diaconi Cardinalis, ab omni vínculo delictorum: ut in resurrectionis glória inter Sanctos & Electos tuos resuscitatus respíret. Per Dóminum nostrum.

Pro defuncto Sacerdote. Oratio.

**D**EUS, qui inter Apostólicos Sacerdotes famulum tuum N. Sacerdotáli fecisti dignitate vigére: præsta quæsumus; ut eórum quoque perpétuo aggregétur consórtio. Per Dóminum.

## Secreta.

**S**uscipe, Dómine quæsumus, pro anima famuli tui N. Sacerdotis, quas offerimus hóstias: ut cui in hoc sæculo sacerdotale donásti méritum; in coelésti regno Sanctorum tuorum júbeas jungi consórtio. Per Dóminum.

## Postcommunio.

**P**rofit, quæsumus Dómine, animæ famuli tui N. Sacerdotis, misericordiæ tuæ implorata cleméntia: ut ejus, in quo sperávit & credidit; ætérnum cāpiat, te miserante, consórtium. Per Dóminum nostrum.

Si fuerint plures, dicatur ut suprà in IV. Missa. fol. 21.

Pro defuncto Episcopo, alia Oratio.

**D**A nobis, Dómine, ut animam famuli tui N. Episcopi, quam de hujus sæculi eduxisti laborioso certamine Sanctorum tuorum tribuas esse consórtem. Per Dóminum.

## Secreta.

**A**nnue nobis, quæsumus Dómine, ut animæ famuli tui N. Episcopi hæc profit oblátio: quam immolándo, totius mundi tribuisti relaxári delicta. Per Dóminum nostrum.

## Postcommunio.

**H**is sacrificiis, quæsumus omnipotens DEUS, purgata anima famuli tui N. Episcopi, ad indulgéntiam, & refrigerium tempitérnum pervenire mereatur. Per Dóminum nostrum.

Pro

## Pro defuncto Sacerdote.

Et possunt dici pro pluribus in numero plurali.

## Oratio.

**P**Ræsta, quæsumus Dómine, ut anima famul tui N. Sacerdotis, quem in hoc sæculo commorantem, sacris muneribus decorasti, in coelesti sede gloriosa semper exultet. Per Dóminum nostrum.

## Secreta.

**S**uscipe, Dómine quæsumus, pro anima famuli tui N. Sacerdotis, quas offerimus hostias: ut cui sacerdotale donasti meritum, dones & præmium. Per Dóminum nostrum.

## Postcommunio.

**P**Ræsta, quæsumus omnipotens DEUS, ut animam famuli tui N. Sacerdotis in congregatione iustorum, æterna beatitudinis jubeas esse consortem. Per Dóminum nostrum.

## Pro uno Defuncto.

## Oratio.

**I**Nclina Dómine aurem tuam ad preces nostras, quibus misericordiam tuam supplices deprecamur: ut animam famuli tui, quam de hoc sæculo migrare jussisti, in pacis ac lucis regione constituas; & Sanctorum tuorum jubeas esse consortem. Per Dóminum.

## Secreta.

**A**nnue nobis, quæsumus Dómine, ut animæ famuli tui hæc profit oblatio: quam immolando, totius mundi tribuisti relaxari delicta. Per Dóminum.

## Postcommunio.

**A**bsolve, quæsumus Dómine, animam famuli tui ab omni vinculo delictorum: ut in resurrectionis gloria, inter Sanctos & Electos tuos resuscitatus respiret. Per Dóminum nostrum.

## Pro una Defuncta.

## Oratio.

**Q**uæsumus Dómine, pro tua pietate miserere animæ famulæ tuæ: & a contagiis mortalitatis exutam, in æternæ salvationis partem restituere. Per Dóminum.

## Secreta.

**H**is Sacrificiis, quæsumus Dómine, anima famulæ tuæ a peccatis omnibus exuatur, sine quibus a culpa nemo liber exitit: ut per hæc piæ placationis officia, perpetuam misericordiam consequatur. Per Dóminum.

## Postcommunio.

**I**nvéniat, quæsumus Dómine, anima famulæ tuæ lucis æternæ consortium: cujus perpetuæ misericordiæ consecuta est Sacramentum. Per Dóminum.

## Pro Patre &amp; Matre Sacerdotis.

## Oratio.

**D**EUS, qui nos patrem & matrem honorare præcepisti: miserere clementer animabus patris & matris meæ, eorumque peccata dimitte; meque eos in æternæ claritatis gaudio fac videre. Per Dóminum nostrum.

## Secreta.

**S**uscipe Sacrificium, Dómine, quod tibi pro animabus patris & matris meæ offero: eisque gaudium sempiternum in regione vivorum concede; meque cum illis felicitati Sanctorum conjunge. Per Dóminum nostrum.

## Postcommunio.

**C**œlestis participatio Sacramenti quæsumus Dómine: animabus patris & matris meæ requiem & lucem obtineat perpetuam; meque cum illis gratia tua coronet æterna. Per Dóminum nostrum.

Si pro Patre tantum, vel Matre tantum, dicitur in singulari.

## Oratio.

**D**EUS, qui nos patrem & matrem honorare præcepisti: miserere



clementer animæ Patris mei (vel Matris meæ) ejusque peccata dimitte: meque eum (veleam) in æternæ claritatis gaudio fac videre. Per Dóminum nostrum JESUM Christum.

Secreta.

**S**uscipe, Sacrificium, Dómine, quod tibi pro anima Patris mei (vel Matris meæ) offero: ejusque gaudium sempiternum in regione vivorum concede: meque cum illo (vel illa) felicitati Sanctorum conjunge. Per Dóminum nostrum JESUM Christum.

Postcommunio.

**C**œlestis participatio Sacramenti, qua sumus Dómine, animæ Patris mei (vel Matris meæ) requiem & lucem obtineat perpetuam: meque cum illo (vel illa) grátia tua coronet æterna. Per Dóminum nostrum.

Pro defunctis fratribus, propinquis, & benefactoribus.

Oratio.

**D**EUS, vénia largitor, & humanæ salutis amátor: quaesumus clementiam tuam, ut nostræ congregationis fratres, propinquos, & benefactores, qui ex hoc sæculo transierunt; beata MARIA semper Virgine intercedente cum omnibus Sanctis tuis, ad perpetuæ beatitudinis consórtium pervenire concedas. Per Dóminum nostrum JESUM Christum.

Secreta.

**D**EUS, cujus misericordiæ non est número, suscipe propitius preces humilitatis nostræ: & animabus fratrum propinquorum, & benefactorum nostrorum, quibus tui nominis dedisti confessionem: per hæc sacramenta salutis nostræ, cunctorum remissionem tribue peccatorum. Per Dóminum nostrum.

Postcommunio.

**P**ræsta, quaesumus omnipotens & misericors DEUS: ut animæ fratrum propinquorum, & benefactorum nostrorum, pro quibus hoc Sacrificium

laudis tuæ obtulimus majestati; per hujus virtutem sacramenti à peccatis omnibus expiata, lucis perpetuæ, te miserante, recipiant beatitudinem. Per Dóminum nostrum JESUM Christum Filium tuum

Pro his, qui in cœmeterio requiescunt.

Oratio.

**D**EUS, cujus miseratione animæ fidelium requiescunt; famulis & famulabus tuis, & omnibus hic & ubique in Christo quiescentibus, da propitius veniam peccatorum; ut à cunctis reatibus absoluti, tecum sine fine lætentur. Per eundem Dóminum.

Secreta.

**P**ro animabus famulorum famularumque tuarum, & omnium catholicorum hic & ubique in Christo dormientium, hostiam, Dómine, suscipe benignus, oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dóminum nostrum.

Postcommunio.

**D**EUS, fidelium lumen animarum, adesto supplicationibus nostris: & da famulis & famulabus tuis, quorum corpora hic & ubique in Christo requiescunt, refrigerii sedem, quietis beatitudinem, & luminis claritatem. Per eundem Dóminum nostrum JESUM Christum Filium tuum: Qui tecum vivit & regnat in unitate Spiritus sancti DEUS.

Pro pluribus Defunctis.

Oratio.

**D**EUS, cui proprium est misereri semper & parcere: propitiare animabus famulorum famularumque tuarum, & omnia eorum peccata dimitte; ut mortalitatis vinculis absolutæ, transire mereantur ad vitam. Per Dóminum nostrum JESUM Christum Filium tuum: Qui tecum vivit & regnat in unitate Spiritus sancti DEUS.

Secreta.

Secreta.

**A**nnue nobis, quæsumus Dómine, ut animabus famulorum famularumque tuarum hæc prosit oblatio : quam immolando, totius mundi tribuisti relaxari delicta. Per Dóminum nostrum JESUM Christum Fílium tuum : Qui tecum vivit & regnat in unitate Spíritus sancti DEUS.

Postcommunio.

**D**EUS, cui soli còmpetit medicinam præstare post mortem : præsta quæsumus; ut animæ famulorum famularumque tuarum terrenis exutæ contágiis, in tuæ redemptionis parte numerentur. Qui vivis & regnas cum DEO Patre in unitate Spíritus sancti DEUS.

Alia pro pluribus Defunctis.

Oratio.

**A**nimabus, quæsumus Dómine, famulorum famularumque tuarum misericórdiam concède perpétuam : ut eis proficiat in ætérnum, quòd in te spe-


raverunt & crediderunt. Per Dóminum nostrum JESUM Christum Fílium tuum: Qui tecum vivit & regnat in unitate Spíritus sancti DEUS.

Secreta.

**H**is, Dómine quæsumus, placatus inténde munéribus : & quod ad laudem tui nóminis supplicantes offerimus, ad indulgéntiam proficiat defunctorum. Per Dóminum nostrum JESUM Christum Fílium tuum, Qui tecum vivit & regnat in unitate Spíritus sancti DEUS.

Postcommunio.

**S**upplices, Dómine, pro animabus famulorum famularumque tuarum preces effúdimus, obsecrantes: ut quidquid conversatióne contraxerunt humana, & cleménter indulgeas, & in tuorum sede lætantium constituas redemptorum. Per Dóminum nostrum JESUM Christum Fílium tuum, Qui tecum vivit & regnat in unitate Spíritus sancti DEUS per ómnia sæcula sæculórum. R. Amen



# RITUS

## CELEBRANDI MISSAM

### PRO DEFUNCTIS.

#### EXCERPTA

#### EX

#### RUBRICIS GENERALIBUS.

*De his, quæ omittuntur in Missa,  
pro Defunctis.*

**I**N Missa pro Defunctis ante Confessionem non dicitur Psalmus, Judica me DEUS; sed pronuntiata Antiphona, Introibo ad Altare DEI, & responso à ministro, Ad DEUM qui lætificat, &c. dicitur, ✕. Adjutorium nostrum, Confessio, cum reliquis ut suprà. Cum celebrans ad Altare incipit Introitum, non signat se, sed manu dextra extensa, facit signum Crucis super librum, quasi aliquem benedicens. Non dicitur Gloria Patri, sed post Psalmum repetitur, Requiem æternam, nec dicitur Gloria in excelsis, nec Alleluja, nec Jube Domine benedicere, nec Dominus sit in corde meo, nec osculatur librum in fine. Non dicitur Credo, non benedicitur aqua in Calicem fundenda; dicitur tamen Oratio, DEUS qui humanæ substantiæ, &c. Cum lavat manus, in fine Psalmi, Lavabo inter innocentes, non dicitur, Gloria Patri. Ad Agnus DEI, non dicitur, Miserere nobis, cujus loco dicitur, Dona eis requiem, nec tertio, Dona nobis pacem; cujus loco dicitur, Dona eis requiem sempiternam, neque percutitur pectus. Non dicitur prima Oratio ante Communionem, scilicet, Domine JESU Christe, qui dixisti Apostolis tuis, &c. nec datur Pax. In fine non dicitur, Ite Missa est, nec Benedicamus Domino, sed Requiescant in pace. Et non datur benedictio, sed dicto Placeat, & osculato Altari, dicitur ut suprà. In principio erat Verbum, &c. alia omnia ut in aliis Missis.

In Missa solemni non incensatur Altare ad Introitum, & Subdiaconus finita Epistola non osculatur manum Celebrantis, nec benedicitur. Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythi sine candelabris stant unus à dextris, & alter à sinistris Subdiaconi tenentis librum Evangeliorum. Non incensatur liber, nec in fine Celebrans, nec defertur liber Evangeliorum osculandus. Oblata & Altare incensantur ut suprà: incensatur solus Celebrans; & non incensantur alii. Subdiaconus non tenet Patenam post Celebrantem, sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem, quæ porrigitur.

Si distribuendæ sunt candelæ, distribuantur post Epistolam, & accendantur ad Evangelium, ad Elevationem Sacramenti, & post Missam, dum fit Absolutio. Si habendus est sermo, habeatur finita Missa ante Absolutionem.

Finita Missa, si facienda est Absolutio, Celebrans retrahit se ad cornu Epistolæ, ubi exiit Casula, & deposito Manipulo, accipit Pluviale nigrum. Subdiaconus medius inter duos Acolythos cum candelabris accensis, defert Crucem sicut in Processionibus, præcedentibus duobus aliis Acolythi, uno cum thuribulo & navicula incensi, alio cum vase aquæ benedictæ & aspersorio: sequitur Celebrans, facta prius Altari reverentia, & Diaconus à sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare & tumulum aliquantum versus cornu Epistolæ, ita ut Crucem Subdiaconi respiciat: à sinistris ejus Diaconus, & prope eum duo Acolythi deferentes thuribulum & vas aquæ benedictæ. Interim cantatur ✕. Libera me Domine, ut infra, & circa illius finem Cele-

brans



brant ponit incensum in Thuribulum, benedicens illud more solito, ministrante Diacono naviculam: & finito Kyrie eleison, incipit intelligibili voce Pater noster, & secretè proseguendo reliqua, accipit aspersorium de manu Diaconi, & facta Altari reverentia, comitante Diacono à dextris, & tenente fimbriam anteriorem Pluvialis, circueiens tumulum, aspergit illum aqua benedicta, ter à parte dextra, & ter à sinistra. Cum transit ante Crucem, profundè inclinat, Diaconus verò genuflectit: postea de manu ejusdem Diaconi accipit Thuribulum; & eodem modo quo asperserat, incensat. Et rediens ad pristinum locum, Diacono tenente librum, junctis manibus dicit:

℣. Et ne nos inducas in tentationem.

℞. Sed libera nos à malo.

℣. A porta inferi.

℞. Erue Dómine ánimam ejus.

℣. Requiescat in pace.

℞. Amen.

℣. Dómine exáudi orationem meam.

℞. Et clamor meus ad te véniat.

℣. Dominus vobiscum.

℞. Et cum Spíritu tuo.

Oremus.

**A**bsolve, quæsumus Dómine, ánimam famuli tui N. ab omni vínculo delictórum: ut in resurrectionis glória inter Sanctos & Eléctos tuos resuscitatus respíret. Per Christum Dóminum nostrum.

℞. Amen.

Deinde Celebrans faciens Crucem manu dextra supra tumulum dicit

℣. Réquiem ætérnam dona eis Dómine.

℞. Et lux perpétua lúceat eis.

Et dicto per Cantores, Requiescant in pace. & ℞. Amen, præcedente Cruce redit cum aliis ad Sacristiam.

Si Officium fit pro pluribus Defunctis, omnia dicantur in numero plurali.

## IN DEPOSITIONE VERQ DEFUNCTI.

**F**inita Missa, Sacerdos deposita cassula, seu planeta, & manipulo, accipit pluviale nigri coloris, & Subdiaconus accipit Crucem, & accedit ad feretrum, & se sistit ad caput defuncti cum cruce medius inter Acolythos, seu Ceroferarios cum candelabris & candelis accensis: & omnes alii de Clero veniunt ordinatim in gradu suo cum candelis accensis, & stant in circuitu feretri, tum sequitur Sacerdos cum Diacono, & Assistente, aliisque ministris, & facta reverentia Altari, sistit se contra Crucem ad pedes defuncti, retrò astantibus ei à sinistris duobus Acolythis, uno cum thuribulo & navicula incensi, altero cum vase aquæ benedictæ & aspersorio, & Acolytho, seu Clerico tenente librum, absolutè dicit sequentem Orationem,

**N**on intres in iudicium cum servo tuo Dómine, quia nullus apud te justificábitur homo, nisi per te omnium peccatórum ei tribuátur remissio, Non ergo eum, quæsumus, tua judicialis senténtia premat, quem tibi vera supplicatio fidei Christiánæ comméndat: sed grátia tua illi succurrénte, mereátur evádere iudicium ultiónis, qui dum viveret, insignitus est signáculo sanctæ Trinitátis: Qui vivis & regnas in sæcula sæculórum.

℞. Amen.

Deinde Cantore incipiente, Clerus circumstans cantat sequens Responsorium.

Libera

<b>L</b>		
I be ra me Dó - - mine	tú ra i ra. Quando &c.	
de mor te æ té r na in	Ÿ. Dies il la dies i ræ, dies	
di e il la tre men da :	ca la mi tá tis & mi sé ri æ,	
Quando coe li mo vendi sunt	dies magna & amára valde.	
& ter ra. Dum vé neris	Dum vé ne ris.	
ju di ca re fæ culum per	Ÿ. Ré qui em æ té r nam do na	
i gnem. Ÿ. Tre mens factus	eis Dó mi ne, & lux per-	
sum ego, & tí meo, dum	pé tu a lú ce at e is.	
di scú s fio vé ne rit, at que ven-	Li be ra me.	

Dum




Dum cantatur prædictum Respon-  
sorium, Sacerdos, Acolytho, seu Dia-  
cono ministrante, accipit incensum de  
navicula, & ponit in thuribulum: &  
finito Responso, Cantor cum primo  
Choro dicit:



**K**yrie eléi son.

**Et secundus Chorus re-  
spondet:**



**Ch**ri ste elé i son.

**Deinde omnes simul dicunt:**



**K**y ri e e léi son.

Mox Sacerdos dicit alta voce, Pater  
noster, &c. & secreto dicitur ab omni-  
bus, & ipse interim accipit à Diacono,  
vel Acolytho aspersorium aquæ benedi-  
ctæ, & facta profunda inclinatione Cru-  
ci, quæ est ex adverso, Diacono, seu mi-  
nistro genuflectente, & fimbrias pluvialis  
sublevante: circumiens feretrum (si  
transit ante Sacramentum, genuflectit)  
aspergit corpus defuncti, deinde rever-  
sus ad locum suum, Diacono ministran-  
te, accipit thuribulum, & eodem mo-  
do circuit feretrum, & corpus incensat,  
ut asperferat: postea reddito thuribulo  
ei, à quo acceperat, stans in loco suo,  
Acolytho seu alio ministro tenente li-  
brum apertum ante se, dicit:

**Ps.** Et ne nos inducas in tentationem.

**R.** Sed libera nos à malo.

**Ps.** A porta inferi.

**R.** Erue Dómine ánimam ejus.

**Ps.** Requiéscat in pace.

**R.** Amen.

**Ps.** Dómine exáudi orationem meam.

**R.** Et clamor meus ad te véniat.

**Ps.** Dóminus vobiscum.

**R.** Et cum Spíritu tuo.

**Orémus Oratio.**

**D**EUS, cui proprium est, misereri  
semper & parcere: te supplices ex-  
oramus pro ánima famuli tui N. quam  
hódie de hoc sæculo migrare iussisti, ut  
non tradas eam in manus inimici, ne-  
que obliviscaris in finem, sed júbeas eam  
à sanctis Angelis súscipi, & ad pátriam  
Paradísi perducí, ut quia in te sperávit, &  
credidit, non pœnas inférni sustíneat, sed  
gáudia sempitérna possídeat. Per Chri-  
stum Dóminum nostrum. **R.** Amen.

Si defunctus fuerit Sacerdos, in Ora-  
tione dicatur pro anima famuli tui Sa-  
cerdotis quam hódie, &c.

Finita Oratione corpus defertur ad se-  
pulchrum, si tunc deferendum sit, &  
dum portatur, Clerici cantant Antiph.  
in Paradisum, &c. ut in Rituali.

## DE OFFICIO FACIENDO.

In Exequiis absente corpore defuncti, &  
in die tertio, septimo, trigésimo, &  
anniversario

**S**I faciendæ sint exequiæ absente cor-  
pore, eo die, quo bene visum fuerit,  
in Ecclesia dicatur Officium mortuorum,  
cum tribus Nocturnis, & Laudibus, & An-  
tiphonis duplicatis, vel saltem unum No-  
cturnum, cum tribus Læctionibus & Lau-  
dibus & Missa. Post Missam Celebrans de-  
ponit manipulum & planetam, accipit plu-  
viale nigri coloris, & præcedentibus Sub-  
diacono cum Cruce & Clero, & duobus



Ceroferariis cum laminaribus accensis, & duobus Acolythis, uno cum navicula incensi, & thuribulo, & altero cum vasculo aquæ benedictæ, & aspersorio, & hoc libro, accedit cum Diacono à sinistris ad locum tumuli, & ibi à circumstante Clero cantatur *R. Libera me Dómine, &c.* ut suprâ. Interim ministratur incensum, benedicitur, & imponitur in thuribulum. Postea dicitur, *Kyrie eléison. Christe eléison. Kyrie eléison.* Sacerdos dicit, *Pater noster, &c.* & dum secretò dicitur, accipit aspersorium, circuit tumbam aspergens, deinde incensat eodem modo, ut dictum est. Postea dicit:

*Ps. Et ne nos inducas in tentationem.*

*R. Sed libera nos à malo.*

*Ps. A porta inferi.*

*R. Erue Dómine animam ejus.*

*Ps. Requiescat in pace.*

*R. Amen.*

*Ps. Dómine exaudi orationem meam.*

*R. Et clamor meus ad te veniat.*

*Ps. Dóminus vobiscum.*

*R. Et cum Spíritu tuo.*

*Orémus.*

**A**bsolve, quæsumus Dómine, animam famuli tui *N.* vel famulæ tuæ, ut defunctus, vel defuncta sæculo tibi vivat, & peccata, quæ per fragilitatem carnis humana conversatione cominist, tu venia misericordissimæ pietatis absterge. Per Christum Dóminum nostrum. *R. Amen.*

Vel dicatur Oratio, quæ dicta est in Missa, vel alia conveniens.

*Ps. Requiem æternam dona ei Dómine.*

*R. Et lux perpétua luceat ei.*

*Ps. Requiescat in pace.*

*R. Amen.*

Si Officium fuerit pro pluribus Defunctis, Oratio & versus dicantur in plurali numero, si fuerit mulier, in genere feminino, si fuerit Sacerdos, vel Episco-

pus, in Oratione exprimitur nomen dignitatis, &c.

Prædictus autem Officii ritus pro defunctis adultis tam Sacerdotibus & Clericis, quàm Sæcularibus & Laicis, servari debet in Officio sepulturæ in die depositionis, sive in die tertio, septimo, trigésimo, & anniversario.

## IN VISITATIONE

Sepulchri, vel Cœmeterii.

*Libera me Dómine, &c.* vel

*Psalmus 50.*

**M**iserere mei DEUS, secundum magnam misericordiam tuam.

Et secundum multitudinem miserationum tuarum dele iniquitatem meam.

Amplius lava me ab iniquitate mea: & à peccato meo munda me.

Quoniam iniquitatem meam ego cognosco: & peccatum meum contra me est semper.

Tibi soli peccavi, & malum coram te feci, ut justificeris in sermonibus tuis, & vincas cum iudicaris.

Ecce enim in iniquitatibus conceptus sum: & in peccatis concepit me mater mea.

Ecce enim veritatem dilexisti: incerta, & occulta sapientiæ tuæ manifestasti mihi.

Asperges me hyssopo, & mundabor: lavabis me, & super nivem dealbabor.

Auditui meo dabis gaudium & lætiam: & exultabunt ossa humiliata.

Averte faciem tuam à peccatis meis: & omnes iniquitates meas dele.

Cor mundum crea in me DEUS: & spiritum rectum innova in visceribus meis.

Ne projicias me a facie tua: & Spiritum sanctum tuum ne auferas à me

Redde

Redde mihi lætitiā salutāris tui : & sp̄ritu principāli confirmā me.

Docēbo inīquos vias tuas : & impīi ad te convertētur.

Lībera me de sanguīnibus DEUS, DEUS salutis meæ : & exultābit lingua mea iustitiā tuam.

Dōmine lābia mea apēries : & os meum annuntiābit laudem tuam.

Quōniam si voluisses sacrificiū, dedissem utique : holocāustis non delectāberis.

Sacrificiū DEO sp̄ritus contribulātus : cor contritum, & humiliātum DEUS non despiciēs.

Benigne fac Dōmine in bona voluntate tua Sion : ut ædificētur muri Jerūsalem.

Tunc acceptābis sacrificiū iustitiæ, oblationes, & holocāusta : tunc impōnent super altāre tuum vitulos,

Rēquiem ætēnam, &c.

Psalmus 129.

**D**E profundis clamāvi ad te Dōmine : Dōmine exāudi vocem meam.

Fiant aures tuæ intendētes, in vocem deprecationis meæ.

Si iniquitates observāveris Dōmine : Dōmine quis sustinēbit ?

Quia apud te propitiatio est : & propter legem tuam sustinui te Dōmine.

Sustinuit anima mea in verbo ejus : sperāvit anima mea in Dōmino.

A custōdia matutina usque ad noctem, speret Israël in Dōmino.

Quia apud Dōminum misericordia, & copiosa apud eum redemptio.

Et ipse redimet Israël, ex omnibus iniquitatibus ejus.

Rēquiem ætēnam, &c.

Postea Kyrie elēison, &c. & Oratio ut supra, vel alia pro exigentia officii vel loci.

## PRÆPARATIO AD MISSAM PRO OPPORTUNITATE

Sacerdotis faciēda.

Antiphona. Ne reminiscāris Dōmine delicta nostra, vel parēntum nostrorum : neque vindictam sumas de peccatis nostris.

Quæ Antiphona in Festis duplicibus tantum duplicatur. Deinde dicantur sequentes Psalmi.

Psalmus 83.

**Q**uam dilēcta tabernacula tua Dōmine virtutum ! concupiscit & deficit anima mea in atria Dōmini.

Cor meum & caro mea : exultaverunt in DEUM vivum.

Etenim passer invenit sibi domum : & turtur nidum sibi, ubi ponat pullos suos.

Altaria tua Dōmine virtutum : Rex meus, & DEUS meus.

Beati qui habitant in domo tua Dōmine : in sæcula sæculorum laudabunt te.

Beatus vir, cujus est auxilium abs te : ascensiones in corde suo dispōsuit, in valle lacrymarum, in loco quem pōsuit.

Etenim benedictionem dabit legislator, ibunt de virtute in virtutem : videbitur DEUS Deorum in Sion.

Dōmine DEUS virtutum exāudi orationem meam : auribus percipe DEUS Jacob.

Protector noster aspice DEUS : & respice in faciē Christi tui.

Quia melior est dies una in atris tuis : super millia.

Elégi abjectus esse in domo DEI mei : magis quam habitare in tabernaculis peccatorum.

Quia misericordiam & veritatem diligit DEUS : gratiam & gloriā dabit Dōminus.

Non privabit bonis eos, qui ambul-  
lant in innocentia : Dómine virtutum,  
beátus homo, qui sperat in te.

Glória Patri.

Psalmus 84.

**B**enedixisti Dómine terram tuam :  
avertisti captivitatem Jacob.

Remisisti iniquitatem plebis tuæ : ope-  
ruisti omnia peccata eorum.

Mitigasti omnem iram tuam : averti-  
sti ab ira indignationis tuæ.

Converte nos DEUS salutaris noster :  
& averte iram tuam à nobis.

Nunquid in ætérnum irascéris nobis ?  
aut exténderis iram tuam à generatióne  
in generatióne ?

DEUS tu convérsus vivificabis nos :  
& plebs tua lætabitur in te.

Osténde nobis Dómine misericórdiam  
tuam : & salutare tuum da nobis.

Audiam quid loquátur in me Dómi-  
nus DEUS : quóniam loquétur pacem  
in plebem suam ;

Et super Sanctos suos : & in eos, qui  
convertúntur ad cor.

Verúmtamen prope timéntes eum sa-  
lutare ipsíus : ut inhábitet glória in ter-  
ra nostra.

Misericórdia & véritas obviavérunt  
sibi : iustitia & pax osculatæ sunt.

Véritas de terra orta est : & iustitia  
de cælo prospexit.

Etenim Dóminus dabit benignitá-  
tem : & terra nostra dabit fructum  
suum.

Iustitia ante eum ambulábit : & po-  
net in via gressus suos.

Glória Patri.

Psalmus 58

**I**nclína Dómine aurem tuam, & ex-  
audi me : quóniam inops & pau-  
per sum ego.

Custódi ánimam meam, quóniam  
sanctus sum : salvum fac servum tuum,  
DEUS meus, sperántem in te.

Miserére mei Dómine, quóniam ad  
te clamávi tota die : lætífica ánimam  
servi tui, quóniam ad te Dómine áni-  
mam meam levávi.

Quóniam tu Dómine suavis, & mi-  
tis : & multæ misericórdiæ omnibus  
invocántibus te.

Auribus percípe Dómine oratióne-  
meam : & inténde voci deprecatiónis  
meæ.

In die tribulatiónis meæ clamávi ad  
te : quia exaudísti me.

Non est símilis tui in diis Dómine :  
& non est secúndum ópera tua.

Omnes gentes, quascúnque fecísti, vé-  
nient, & adorábunt coram te Dómine :  
& glorificábunt nomen tuum.

Quóniam magnus es tu, & faciens  
mirabilia : tu es DEUS solus.

Deduc me Dómine in via tua, &  
ingrédiar in veritate tua : lætétur cor  
meum, ut timeat nomen tuum.

Confitébor tibi Dómine DEUS meus  
in toto corde meo, & glorificábo no-  
men tuum in ætérnum.

Quia misericórdia tua magna est su-  
per me : & crúisti ánimam meam ex  
inférno inferiori.

DEUS, iniqui insurrexérunt super me,  
& synagoga poténtium quæsiérunt áni-  
mam meam, & non proposuérunt te  
in conspectu suo.

Et tu Dómine DEUS miserátor & mi-  
séricsors, pátiens, & multæ misericór-  
diæ, & verax.

Réspice in me & miserére mei, da  
impérium tuum púero tuo : & salvum  
fac fílium ancillæ tuæ.

Fac mecum signum in bonum, ut  
videant, qui odérunt me, & confun-  
dántur : quóniam tu Dómine adjuvísti  
me, & consolátus es me.

Gloria Patri.



## Psalmus 115.

**C**Rédidi, propter quod locutus sum:  
ego autem humiliatus sum nimis.

Ego dixi in excéssu meo : omnis homo mendax.

Quid retribuam Dómino pro ómnibus, quæ retribuit mihi?

Cálicem salutáris accípiam : & nomen Dómini invocábo.

Vota mea Dómino reddam coram omni pópulo ejus : pretiósá in conspéctu Dómini mors Sanctorum ejus.

O Dómine ! quia ego servus tuus : ego servus tuus, & Filius ancillæ tuæ.

Dirupísti vinctula mea : tibi sacrificábo hóstiám laudis, & nomen Dómini invocábo.

Vota mea, Dómino reddam in conspéctu omnis pópuli ejus : in átriis domus Dómini in médio tui Jerúsalem.

Gloria Patri.

## Psalmus 129.

**D**E profúndis clamávi ad te Dómine : Dómine exáudi vocem meam.

Fiant aures tuæ intendéntes : in vocem deprecationis meæ.

Si iniquitátes observáveris Dómine : Dómine quis sustinebit ?

Quia apud te propitiatio est : & propter legem tuam sustinui te Dómine.

Sustinuit ánima mea in verbo ejus : sperávit ánima mea in Dómino.

A custódia matutína usque ad noctem : speret Israël in Dómino.

Quia apud Dóminum misericórdia : & copiósá apud eum redemptio.

Et ipse redimet Israël : ex ómnibus iniquitatibus ejus.

Gloria Patri, & Filio.

Deinde repetitur Antiphona.

Ne reminiscáris Dómine delicta nostra, vel paréntum nostrórum : neque vindíctam sumas de peccátis nostris.

Postea Sacerdos dicit :

Kyrie eléison. Christe eléison.

Kyrie eléison. Pater noster.

℣. Et ne nos indúcas in tentatióem.

℞. Sed libera nos à malo.

℣. Ego dixi Dómine miserére mei.

℞. Sana ánimam meam, quia peccávi tibi.

℣. Convértere Dómine aliquántulum

℞. Et deprecáre super servos tuos.

℣. Fiat misericórdia tua Dómine super nos.

℞. Quemádmódum sperávimus in te.

℣. Sacerdotes tui induántur justítiam.

℞. Et Sancti tui exúltent.

℣. Ab occúltis meis munda me Dómine.

℞. Et ab aliénis parce servo tuo.

℣. Dómine exáudi oratióem meam.

℞. Et clamor meus ad te véniat.

℣. Dóminus vobíscum.

℞. Et cum Spíritu tuo.

Orémus.

**A**ures tuæ pietátis, mitíssime DEUS, inclína précibus nostris, & grátia sancti Spíritus illúminá cor nostrum : ut tuis mystériis digne ministráre, & teque æténa charitáte diligere mereámur.

**D**EUS, cui omne cor patet, & omnis volúntas lóquitur, & quem nulum latet secrétum, purífica per infusióem sancti Spíritus cogitatióes cordis nostri : ut te perfécte diligere, & digne laudáre mereámur.

**U**Re igne sancti Spíritus renes nostros & cor nostrum, Domine : ut tibi casto córpore serviámus, & mundo corde placeámus.

**M**entes nostras, quæsumus Dómine. Paráclitus, qui à te procedit, illuminet: & inducat in omnem: sicut tuus promissit Fílius, veritatem.

**A**dsit nobis, quæsumus Dómine, virtus Spíritus sancti: quæ & corda nostra cleménter expúrget, & ab ómnibus tueátur advérsis.

**D**EUS, qui corda fidélium sancti Spíritus illustratióne docuísti: da nobis in eódem Spíritu recta sápere, & de ejus semper consolatióne gaudére.

**C**onsciéntias nostras, quæsumus Dómine, visitádo purífica: ut véniens Dóminus noster JESUS Christus Fílius tuus, parátam sibi in nobis invéniat mansiónem. Qui tecum vivit & regnat in unitate Spíritus sancti DEUS, per ómnia sæcula sæculórum, Amen.

### ORATIONES

dicendæ, cùm Sacerdos induitur sacerdotalibus paraméntis.

Cùm lavat manus, dicat:

**D**A, Dómine, virtutem máribus meis ad abstergéndam omnem máculam: ut sine pollutióne mentis & corporis váleam tibi servíre.

Ad Amictum, dum ponitur super caput, dicat:

**I**mpóne, Dómine, cápiti meo gáream salutis, ad expugnándos diabólicos incúrsum.

Ad Albam, cùm ea induitur.

**D**Eálba me, Dómine, & munda cor meum: ut in Sanguine Agni dealbátus, gáudiis pérfruar sempitérnis.

Ad Cingulum, dum se cingit.

**P**Ræcinge me, Dómine, cingulo puritátis, & extingue in lumbis meis humórem libidinis: ut máneat in me virtus continéntiæ, & castitátis.

Ad Manipulum, dum imponitur brachio sinistro.

**M**Erear, Dómine, portáre manipulum fletus & dolóris: ut cum exultatióne recípiam mercédem labóris.

Ad Stolum, dum imponitur collo.

**R**edde mihi, Dómine, stolam immortalitátis, quam pérdidi in prævariatióne primi paréntis, & quamvis indignus accédo ad tuum sacrum mystérium, mérear tamen gáudium sempitérnum.

Ad Casulam, cùm assumitur.

**D**omine, qui dixísti, jugum meum suave est, & onus meum leve: fac ut istud portáre sic váleam, quòd consequar tuam grátiam.

### GRATIARUM ACTIO

post Missam.

Antiphona. Trium puerórum cantemus hymnum: quem cantábant sancti in camíno ignis, benedicétes Dóminum.

Quæ Antiphona in Festis duplicibus tantum duplicatur, & tempore Paschali additur in fine A

¶ Canticum trium puerorum.

**B**enedícite ómnia ópera Dómini Dómino: laudáte & superexaltáte eum in sæcula.

Benedícite Angeli Dómini Dómino: benedicite cœli Dómino.

Benedícite aquæ omnes, quæ super cœlos sunt, Dómino: benedicite omnes virtutes Dómini Dómino.

Benedícite sol & luna Dómino: benedicite stellæ cœli Dómino.

Benedícite omnis imber & ros Dómino: benedicite omnes spíritus DEI Dómino.

Benedícite ignis & æstus Dómino: benedicite frigus & æstus Dómino.

Bene-

Benedícite rores & pruina Dómino :  
benedícite gelu & frigus Dómino.

Benedícite glacies & nives Dómino :  
benedícite noctes & dies Dómino.

Benedícite lux & tenebræ Dómino :  
benedícite fúlgura & nubes Dómino.

Benedícat terra Dóminum : laudet &  
superexáltet eum in sæcula.

Benedícite montes & colles Dómino :  
benedícite univérſa germinántia in terra  
Dómino.

Benedícite fontes Dómino : benedi-  
cite mária & flúmina Dómino.

Benedícite cete, & ómnia quæ mo-  
véntur in aquis, Dómino : benedícite  
omnes vólucres cœli Dómino.

Benedícite omnes béstiæ & pécora  
Dómino : benedícite filii hóminum  
Dómino.

Benedícat Israël Dóminum : laudet  
& superexáltet eum in sæcula.

Benedícite sacerdótes Dómini Dómi-  
no : benedícite servi Dómini Dómino.

Benedícite spíritus & animæ iustórum  
Dómino : benedícite sancti & húmiles  
corde Dómino.

Benedícite Ananía, Azaría, Míſaël  
Dómino : laudate & superexaltáte eum  
in sæcula.

Benedicámus Patrem & Fílium cum  
sancto Spíritu : laudémus & superexal-  
témus eum in sæcula.

Benedíctus es Dómine in firmamén-  
to cœli : & laudábilis, & glorióſus, &  
superexaltátus in sæcula.

Pſalmus 150.

**L**audáte Dóminum in Sanctis ejus :  
Laudáte eum in firmaménto vir-  
tútis ejus.

Laudáte eum in virtútibus ejus : lau-  
dáte eum ſecúndum multitudinem ma-  
gnitúdinis ejus.

Laudáte eum in ſono tubæ : laudáte  
eum in pſaltério & cythara.

Laudáte eum in tympano & choro :  
laudáte eum in chordis & órgano.

Laudáte eum in cymbalis benefo-  
nántibus, laudáte eum in cymbalis ju-  
bilatiónis : omnis spíritus laudet Dó-  
minum.

Gloria Patrî, &c.

Deinde repetitur Antiphona.

Trium puerórum cantémus hymnum :  
quem cantábant Sancti in camíno ignis,  
benedicéntes Dóminum.

Deinde Sacerdos dicit :

Kyrie eléíſon. Chriſte eléíſon.

Kyrie eléíſon. Pater noſter.

Ŵ. Et ne nos indúcas in tentatiónem.

R̃. Sed libera nos à malo.

Ŵ. Conſiteántur tibi Dómine ómnia  
ópera tua.

R̃. Et Sancti tui benedícant tibi.

Ŵ. Exultábunt Sancti in glória.

R̃. Lætábúntur in cubílibus ſuis.

Ŵ. Non nobis Dómine, non nobis.

R̃. Sed nómini tuo da glóriam.

Ŵ. Dómine exáudi oratiónem meam.

R̃. Et clamor meus ad te véniat.

Ŵ. Dóminus vobíſcum.

R̃. Et cum Spíritu tuo.

Orémus.

**D**EUS, qui tribus púeris mitigáſti  
flammas ignium : concéde pro-  
pítius ; ut nos famulos tuos non exú-  
rat flamma vitiórum.

**A**ctiões noſtras, quæſumus Dómi-  
ne, aspirándo præveni, & adju-  
vándo proſequere : ut cuncta noſtra orá-  
tio & operatio á te ſemper incípiat, &  
per te cœpta finiátur.

**D**A nobis, quæſumus Dómine, vi-  
tiorum noſtrórum flammas ex-  
tinguere : qui beáto Laurentio tribuíſti,  
tormentórum ſuórum incéndia ſuperá-  
re. Per Chriſtum Dóminum noſtrum  
R̃. Amen.



## O B S E R V A N D A

circa Missas privatas Defunctorum,

Sacra Rituum Congregatio, ut Rubricæ Missalis inviolate serventur, 5. Aug. 1622. & 30. Aug. 1706. distinctè præcepit omnibus & singulis Sacerdotibus, tam sæcularibus quam Regularibus, cujuscunque Ordinis, Congregationis, Societatis, &c. ut imposterum Missas priv. pro Defunctis seu de Requiem in duplici nullatenus celebrare audeant. Quòd si ex Benefactorum præscripto Missæ hujusmodi celebrandæ incidant in Festum duplex, præcepit eadem S. R. C. ut tunc hæ Missæ minimè transferantur in aliam diem non impeditam, ne dilatio animabus suffragia expectantibus detrimentum sit; sed dicantur de Festo currente cum applicatione sacrificii, etiam in altari pri-

vilegiato pro Defunctis, quæ Missæ perinde suffragantur, ac si celebrata fuissent de Requiem. Juxta Decret. Sac. Rituum Congregat. Anno 1667. 22. Januarii.

Imo, ut R. S. C. omnem super hac re dubitationem tolleret, in responsione ad varia dubia sibi proposita, ad relationem Eminentissimi & Reverendissimi D. Cardinalis Colloredi 10. Junii 1693. declaravit & mandavit, etiam tamquam abusum abolendam esse consuetudinem celebrandi Missas privatas pro Defunctis corpore præsentè & insepulto, his diebus, in quibus fit de duplici, vel de duplici fieri non potest.

NB. De Missis cantandis, vel uno tantum Sacro pro Defuncto præsentè dicendo superius non est intelligendum.

F I N I S.

